

کتابخانه

صافی : ۲۷

۱ مارچ ۱۳۴۱

سنه : ۲

محراب

افہوق ، اہتمامی ، فلسفی ، تاریخی ، ادبی مجموعہ در
شیعہ بک آبدہ پر لکھ اولنور

مندرجات

اسلام تاریخی و حسین جاہد بک ترجمہ ابتدیی اسلام تاریخی حقندہ انتقاد و یوسف ضیا
ایران ماصالی قمریہ حسین
قربان عشق سمیع جمال اوردہ نویس
پر یوزندہ و آنادولودہ بوغدا ی منطقہ لری م . شرف
حقیقی تصوف منصور ، مستصوفہ تصوفی مقہور در الزمیری اسماعیل مہدی
تاریخ حکمتدہ مذہب عشق طاہر عربی
جانی آئندہ بر فیلسوف و پنجرہ دن باقتلہ نہ او کرہ نیلہ بیلیر عبداللہ قادری

شہزادہ ہاشمی : اوقاف اسلامیہ مطبعہ سی

۱۳۴۱ — ۱۹۲۵



۱ مارت ۱۳۴۱



ایران ماصالی

مابعد

طهرانده شهنشکر بر هفته دنبرو دوام ایدیوردی . ایکی آی مقدم مایوس و مکدر
اولان خلق ، شیمدی طاق ظفرلرک آلتدن نشاط و مسرتله کچیورلردی .
سوقاقلر، بایراقلر ورنکارنک چلنکله مزیندی . هوانک کوزلکی و کونشک براقلی
اورتالغه مستنا بر زینت و نشاط بخش ایدیوردی . میدانلرده ، هرکوشه باشنده آصیلیمش
اولان فیروز میرزانک بویالی رسملری ، کلوب کچنلرک موجب افتخاری اولیوردی .
افغان سفرینک قهرمانی اولان ولی عهد سلطنت اهلینک پرستیده قلبی اولمشدی . هرکس
اوکا حیران و مفتوندی . رسملرینه هراماله نظر ایدنک کوکلنده بو جوانمرد فازی به بر
حسن شکران و پرستش یوکسلییوردی . افغان سفری تصورک فوقنده بر مظفریتله نتیجه لشمشدی .
ایکی آی ظرفنده مغرور امیرک تکمیل اردولری پریشان اولمش ، مملکتی استیلا ایدلمش
کندیسی ده اسیر اوله رقی طهرانه کتیرلشدی . بر هفته دنبروده پایتخت خارجنده مستحکم
بر سرایده تحت اسارتده بولیوردی .

شاه یکننک موفقیت عظیمه سفی مکافاتالاندیرمق ایچون عودتنک یدنجی کونی کریمه سی
ماه نور سلطانله عقدلرینک اجراسنه قرار ویرمشدی . بوسبيله اهالی ، ولی عهدک سراینک
اوکلنده اجتماع ایدنرک بیوک بر نمایش اجرا ایدیوردی . شاهک بو قرار نا کهانیسی
طهرانک بالجه محافلنده تحسین ایدلمشدی . فیروز میرزا ایله ماه نور سلطانک ولیه جمعیتی
افغان سفرینک تتویجی عد ایدیلیوردی . بو کیجه هارون الرشید ایله زبیده نک ازدواجی
دوخاطر ایتدیره جک درجه ده مشمشع و مطمئن بر واقعه یی ادراک ایدن خلق پر مسرت
سوقاقلری دولدیریور ، قهوه خانه ده کی سازلری ، میدانلرده کی عسکری موزیقه لرینی کال
خواهش و نشاطله دیکله یوردی .

شهرده کی حرکت فوق العاده ایدی . آرابه لر، آتار سرعتله سرایه کیدوب کلیورلردی .
سوقاقلرده کی ازدحام ، پیاده ، سواری و آرابه لیلرک آقین آقین مروری برسیل خروشان
آگدیریوردی .

فیروز میرزا ایله ماه نور سلطان تاهل ایده جکلردی .

خلقك مسرت چيغلقلری قهوه ده کی خواننده لرك ترنملرینه قاریشه رق بر آوازه سرور
کی آسمانه یوکسلوردی .

*
* *

فیروز میرزا سراینده کی اوطه سنك پنجره سنه طایانمش محزون غروبك صوك ضیالری
تماشا ایدیوردی . ضیافته بر ساعت قالمشدی . بویکجه خلیای سعادتیه وداعلاشه جق ،
ماه نور ایله اولمکه مجبور اوله جقدی . شاه هیچ بر اعتذار و مخالفت قبول ایتامشدی .
تأخیری ایچون درمیان ایتدیکی بتون سبیلره اهمیت ویرمامشدی . حتی محبتیه بیله استهزا
ایده رك « ژاله یی سویورمشسك دكلی ؟ بن سکا ماه نوری ویریورم او ژاله دن دها کوزلدره .
الته اونیده سوه رسك ! هم بن بویه حسیات اوزرینه مبنی محبتلردن برشی آ کلام . بویه
چو جقلقلری معذور کورهم . بن سنی اوروپایه بکا مخالفت ایتك ایچون کوندرمه دم .
غرب مدینتی بکنیرم اما لا ابالی جهتلرندن ده هیچ خوشلانم . حقوقکدن فراغت ایتك
ایسته یورمشسك او یله می ؟ یوق ، دها نه لر ! عقلکی می قائب ایتك ؟ ژاله نك الا کوزلرینه
بر تحت فدا ایدیلیرمی ! بالعکس دولت او غورینه ژاله دکل دها پك عظیم فدا کارلقلر
اختیار ایدیلیر . صو کرا هرشیدن اول بنم ولی عهدم یعنی برنجی تبعه م اولدیغنی و بناء علیه
هر امریه اطاعته مجبور بولندیغنی اونو تمه ! شیمدی کیدوب حاضر لنمك فرمانم اقتضاسنددر
دیمشدی .

شاهك بوسوزلرینی برر برر خاطر لیوردی . چونکه روحنی ضربه ضربه خنجر لمشیدی .
شیمدی نه یاپه جق ایدی ؟

او ، ژاله نك الا کوزلرینه یالکز بر تحت دکل ، بتون جهانی فدایه حاضردی . لکن
وا اسفا که او کوزلری آرتق کورهمیه جك اونلرك دریندکلیرینی سوزه رك بر دها مست
اولهمیه جقدی . شبانی ، سعادت و تکمیل حیاتی او کوزلردن محروم قاله جق و تباه اوله جقدی .
ژاله سز یاشامق ! بوقابل اوله بیله جکمیدی ؟ اونی کورمیه رك کونلرك کذراننه تحمل
ایده بیله جکمیدی ! اونی بردها در آغوش ایتهمك ، او سوکیلی یوزینی اوپهمك ، طاتلی
سسنی ایشتمك حاصلی اوندن ابدیاً محروم اولمق ! .. آه ایشه بو ممکن اوله میه جقدی .
یوق ، یوق کنديسندن اقتدارینك فوقنده بر فدا کارلق ایسته نیوردی .

ولی عهد اولق ، قوجه بر ملکه حکم ایتک ، هرکسک موجب افتخار و غبطه سی بولمق ، صوکرده عالمده سودیکی یکانه بر کوکله مالک اوله مامق ! طالعی بومی ایدی؟ ... فیروز میرزانک کوزلری سرشک یاسله دولدی . ژاله بی عودتندنبرو کورده مه مشدی . چونکه سوکیلیسی پدرینک قوناغنده اسیر فراش بولنیوردی . اوکا یازدینی اوزون بر محبتنامه یه بو آقشام مختصر بر جواب آلمشدی . کدولی دوشونجه لرینک آره سنده او کوچک تذکره بی تکرار تکرار او قومقدن واز کچه میوردی : « جانم ، دییوردی . خاطرکز ایچون بو آقشام قالقوب سرایه کیده جکم ، سزی اوزاقدن اولسون بر کره دها کورهم . بو صوک ملاقاتن اوله جق فیروز . حکایه عشقمز کوز یاشلریله بیتور . شو صوک فصلی نه قدر فجیع دکلی ؟ بو کیجه دن صکره افق حیاتنگزدن ابدیاً غائب اوله جنم . صرغ عشقم او قدر یارالاندی که آرتق شفاسی ممکن اوله میه جق . بعض کیجه لر خفیف ، متردد بر طیران صداسی ایشیدیرسه کز قیریق قنادلرمله پروازه غیرت ایتکده اولدیغمی آکلار سکیز . او وقت قضایه بر بوسه شفقت کوندرر ایسه کز بنی اونو تمه دیغکزی روحم حس ایدر وشاد اولور . آه فیروز ! بنده بنده سزی نه قدر سوییورم ...

اونک حیاتی ده محو اولمشیدی . ذاتاً قیریق قنادلرله یشایه مم ، دیمه مشمیدی ؟ . فیروز میرزا بر مدت دها دالغین دالغین پنجره دن باقدی . کندی طالعنه ، ژاله نک بختنه آغلیوردی . بو یاشلر چوققلغندنبرو ایلك دفعه اوله رق دو کدیکی یاشلردی . بونک ایچون بتون موجودیتنی صارصه مشدی . کوکلی آرتق طاشقیندی . باشنی قالدیروب باغچه یه باقدینی زمان آقشامک ضیالری بتون آغاچلری ، چنلری و چیچکلری آتشین بر رنکله تلوین ایتمش اولدیغنی کوردی . کونش غروب ایدرکن اونکده پرامید حیاتنک صوک کونی ختامه ایرییور . دورشبابنک صوک صفحه سی یأس و ماتمله تخیم اولنیور .

بتون مسعود امللری ؛ افقده آهسته آهسته صولغه باشلایان رنکار و ضیالر کی صوک هفته ظرفنده محو اولوب کیتمشیدی . بو کیجه ایلك دفعه اوله رق اوتوز بش یاشنک بار ثقلت و خزنی آلتنده ، بیتاب و پریشان خلیا آلود ماضیسنه وداع ایدیوردی .

*
* *

عائله شاهی ایله مدعوین کرام محترم صفه ده طویل انمشلر کلینی بکلیوردی . زینت

و احتشام ، دبدبه و دارات کوزلر قماشد بره جق درجه ده خارق العاده ایدی . الماسلرک کثرتی آیدینقلرک پارلتیدی ، موسیقینک لطافتی هر کسی حیران ایتمشدی .

صفه یه تکمیل بیاض قیارتمه لی ایپک خالیر فرش ایدلمش ، ایشلمه لی دوشه مه لرو بیاض صرمه لی قماشلرله تزین ایدلمشیدی . نادیده بیاض کلرک ، قرفیلر ، زامباقلرله لاله و سنبللرک دمت دمت لیلقلرله بیاض منکشه و یاسمینلرک مختلف و کزیده مینه لی چینی صاوصیلری ، صفه نک بیاضلی و معتنا کبارلیله امتزاج ایدیوردی .

ژاله ، ماه نور سلطان ایچون اجضار اولنمش امثالسر تختی احاطه ایدن یشیللرکک و چیچکلرک یاننه تک باشه اوطورمش ، صفه نک اوتیه طرفتدن آهسته آهسته کلکده اولان کلین کوکی یه انتظار ایدیوردی .

کلینک اوزون اتکلی انتاریسی تکمیل اینجو و الماسله ایشله نمش غایت اینجه و پکیموشاق بر بیاض ایگیدن معمول ایدی . بونین امثالسر بر بروش کردنلک تزین ایتدیکی کبی بونینه کچیرلمش اولان متعدد اینجو دیزیلریده تا اتکنه قدر صره صره کوکسندن آشای صارقیق و بونلر تکمیل کیمنه مستثنا بر جاذبه بخش ایدیوردی . الماس کرینک طوقه سنه فوق العاده نادیده بر بیاض اورکیده چیچکی ایلشیدیرلمش ایدی . قوصرال صاچلرینک طالع لی قیوریملرنده بی نظیر بر الماس صورغوج پارلیوردی . ژاله نک بوکیجه کی حالنده ، سوسلی کیمنده ، لوند قامتده ، کچوک باشنک شاهانه طورنده او درجه بر دلفریبلک واردی که مدعولرک جمله سی اونی حیرتله تماشا ایتمکدن کندیلرینی آله میورلردی .

ژاله مدبدب تختک یاننده طوردرق ، بیوک بیاض یلپازمه سی کمال لاقیدیه آچوپ قاپیور . هم اطرافنی سوزیور و هم ده قرب ایدن ماه نور سلطانک آهسته رفتارینی نظریله تعقیب ایدیوردی .

فیروز میرزا ایله ماه نور سلطان نهایت تخته یاناشدقلری آنده ، هائله شاهی کلین ایله کوکیک باشنه عادت قدیمه وجه اوزره اوافق آلتونلر سرچمکه باشلادیلر . ژاله موقعی وضعیتنی دکیشدیرمه دن فیروز میرزایه ثابت نظریله باقیوردی . بوباقیشنده او یله بر قوه میقنطیسیه واردی که فیروز میرزا اوکنه معطوف نظرینی کندیسنه توجهیه مجبور اولدی . فیروز میرزا ژاله بی اوراده بو قدر یاقین کورنجه بهم بیاض کسیددی و ماه نور سلطانک قولنده اولدیغنی اونوته رقی بر ثانیه مترددانه توقف ایتدی . اوکا بتون روحیه سودا و جتنه

قاریشیق یأس ایله باقیوردی. ژاله‌نک موجودیتی کندیسنه تکمیل جهانی اونوتدیرمشدی. ژاله‌نک قارشوسنده اودرجه متأثر اولمشدی که نه یاپه‌جغنی شاشیرمشدی.

ماه‌نور سلطان فیروزمیرزانک ترددینی فرق ایدنجه‌هان شهزاده‌نک النی صیقه‌رق اونی تخته طوغری سوق ایتدی. فیروز میرزاده جبر نفسله کندیسنی بر آز طویلادی ویأس وقتورینه غلبه ایدرک ماه‌نور سلطانله برابر مدبدب تخته طوغری یورودی وپاصه‌مقلری چیقهرق سلطانک یاننده اخذ موقع ایتدی.

اوانده، صفه‌ده آغزیدن آغزه بر فیصلیدی دوران ایتدی: شاه کلور، ندالری اورتایه یاییلارک هرکس بر تلاش وهیجانه قاپیلدی.

بر ثانیه صوکرکرا شاه صفه‌نک قارشو جهتنده کوزوکدی. یوزی عبوس، بکزی اوچوقدی. اوراده کیلردن برینه فوق‌العاده هیجانله برامر ویردی. فیروز میرزاعموجه‌سنی قارشوسنده کورونجه هان آیاغه قاقدی ودرعقب کندیسنه طوغری ایلروله‌دی. شاه، حالا صفه‌نک قارشو جهتنده طوروب خاخی دالغین دالغین سوزیوردی. فیروز میرزا یاننه واردینی زمان شاه، قولاغنه بر شی سویلیدی. وایکی‌سی‌ده عظیم هیجان ایچنده سلامغه متوجهاً یورومکه باشلادیلر.

شاهک نا‌کپانی ورودی وولی‌عهدک کندیسیله بویله غیرمنتظر بر صورتده سلامغه ضربتی، سرای خلقنی دهشتلی برتأثره ایلا ایتدی ماه‌نور سلطان مدبدب تختیدن ایتدی وعائله حکمداریله بومسئله‌یه دأثر حرارتله تعاطی افکاره باشلادی. هرکس بوحادثه نا‌کهمظهوری کندی فکری ورأینجه تفسیر ایدیوردی. کوکلر خلعجانله چاریوردی. مدعولر بر برلرینه نهایتسز سؤاللر ایراد ایدیورلر. جوابسز قالان سؤاللردن دولایی بر درجه ده‌ا عصیلشیورلردی. گاه کوچوک کوچوک خلقلر تشکیل ایدرک باش باشه فیصلداشیورلر، گاه پنجره‌دن پنجره‌یه صبرسنزلقه کیدوب کلورلردی.

سازنده‌لر اجرای آهنگدن صرف‌نظر ایتدکلری ایچون، محتشم صفه‌ده مدهش بر هیجانک مدعودن مدعویه دالغله‌ندیفی حس اولنیوردی. خنده‌لر غائب اولمش، نشئه‌لر دورمش، یوزلر صولمش، هرکس، بر وقعه وخیمه‌نک خبرینی بکلر کی سلامغه توجه ایتمش، اورادن کله‌جک اولان خبره تلهفلرله انتظار ایدیوردی.

هرکسه یک اوزون کلن بر مدت صکره باش مصاحبک سلاماق طرفندن صفه‌یه تقرب ایلدبکی کورولدی.

بر آزدها ایلروله دی و قالقه لردن برینه شاه حضرتلرینک حربیه ناظرینک کریمه سنی طلبه
ایتدیکنی سویله نجه هر کسی حیرت قابلا دی . باشقه هر هانکی برخبره منتظر بولنان مدعولر
بودعوتدن برشی آکلاما مشلردی . هجا ژاله نه ایچون ؟ ونه دن ایسته نیلیوردی ؟ عائله شاه
افرادی اونی سوزمکه باشلادیلر بالمله دعوتلیرک نظری حیرتله اوکا منعطف اولدی .

فقط ژاله ، محاط اولدینی تلاش و هیجانه ، تأثر و حیرته هیچ اهمیت و یرمیه رک باش
مصاحبی کال سکون و لاقیدیه و شاهانه بر روشله مایینه قدر تعقیب ایتدی . باش مصاحب
دها سلامغه وارمادن صاغ طرفده کی بیوک برانتظار سالوننک قپوسنی آچهرق « بیوریکز
اقدام » دیدی .

ژاله ایچرویه کیرر کیرمز فیروز میرزانک عصیتله یوقاری آشغی کزن دیکنی کورونجه
طوکا قالدی و قلبی شدتله آتمغه باشلادی . فقط فوق العاده بر جبر نفسله بر قاج خطوه دهه
ایلرولمکه غیرت ایتدی . اوطه نک اورتاسنه کلنجه توقف ایتدی و بکله دی . خلجان قلبی
او قدر دهشتلی ایدی که فیروز میرزایی بر خیال کی کوریور ، سالون بتون دوشه مه سیله
کوزلرینک اوکنده ارتعاش ایدیوردی . شدت تأثرندن التده کی بیوک بیاض ، قناد
شکلنده کی یلپازه یره دوشدی . فیروز میرزا یردن قالدیرمق اوزره درحال اکیلدیکی زمان
یلپازنه نک مینه لی و الماسلی صابی ایکی پارچه اولدینغی و توپلرینک تکمیل خالینک اوستنه
سر یلیدیکی کوردی .

ژاله ، پک محزون تبسم ایدیوردی . فیروز میرزا کال اسفله « یازیق قیریلدی » دیدی .
ژاله یانیق برسسله « تمثال حیاتمه بکزمین بویلپازنه نک بوکیجه قیریلسی نه غریب بر تصادف
دکلی ؟ » دیدی . بونک اوزرینه فیروز میرزا ژاله یه یاقلاشهرق « الله عشقنه حسیاتی بر آن
ایچون ترک ایدم ، ذاتاً کوکلم پک پریشان ژاله ، بنی بر دقیقه سکون ایله دیکله و خصوصیه
بر صفت رسمیه ایله موظف اوله رق سکا خطاب ایتدیکی بیل . سکا شیمدی بر قاج سوال
ایراد ایتکه مأمورم ، ویره جکک جوابلردن صوکر سوشه بیلیرز ، یالکز بکا آجی والله
آرتق تحلم قالمدی . » دیدی . ژاله نک اولکندن دها یواش سسله « سؤالار کزه منتظرم
اقدام » دیمسی اوزرینه فیروز میرزا بوغوق برسسله « سن بو کون افغان امیرنی کوردکی ؟ »
دیه سؤالرینه باشلادی . اوت جوانی آنجه ولی عهد آووچنده صاقلادیکی کچوک بر مندلی
کوسترهرک « بومندیل سنک دکلی ؟ امیرک اوطه سنده بولندی » دیدی . ژاله عنی سکونته

« اوت بومندیل بنمدر. » دیه مقابله ایتدی. فیروز میرزا آرتق باجقلری اوستنده ساللا نیوردی
ینه جبر نفسله صا نک اور تاسنده کی ماصیه دایانه رق « اسفندیار خان فرار ایتمش، اوتوموبیلله
ظن اولیور، سن بوندن خبردار میسک؟ » دیه صورتی. ژاله کوزلرینی ولی عهدک
کورلرینه دیکرک « اوت » جوابی ویرنجه فیروز میرزا خفیف برسسه « پکی، هانکی
اوتوموبیلله وکیمک معاوتیه فرار ایده بیلدی؟ » دیدی. ژاله بو سؤالده حالده هیچ
برتبدل اولمقسزین « نم اوتوموبیلله فرار ایتدی فرارینک ترتیبانی ده بن احضار ایتدم. »
دیه جواب ویرنجه فیروز میرزا اورولمشه دوندی و ماصیه نک یاننده کی قولتوغه چوکه رک باشنی
ایکی النک اراسنه الدی. و برمدت بویله مایوس ودالغین قالدی.

نهایت برمدت صوکره باشنی قالدیروب سو کیلیسنه باقدیغی زمان ژاله فیروز میرزانک
یوزنده کوردیکی اثر دهشت ویأسدن متأثر اولدی.

فیروز میرزا آرتق جبر نفسدن صرف نظر ایده رک کندیسندن کچمش رادا ایله ژاله یه
یالواردی: « سویله الله ایچون سویله نه یه بوجتی یایدک؟ » مقصدک ایکی میز محو ایتکمیدی؟
ایشته شمیدی ایکی مزده محکومزه دیدی. - دایمک هجراننه طایانه مدم، همده... حیالک بوندن
صوکره نم ایچون هیچ برقیمتی اوله بیلیرمی؟ اونک فرارینک نم اولوممه سبب اوله جفتی بیلدیکم
حاله وطنه عودت ایده بیلیمه سنک چاره سنی تهیه ایلدم؟ دایمه بویله بر خدمتی دریغ ایده رک
حیاتمی می اسرکیه کدم ظن ایدیوردیکز؟ ذاتا بوندن صوکره بن هانکی سعاده انتظار
ایده بیلیرم؟ یالکیز رجا ایدرم سویله یکز - حدودی کچه بیلدیمی؟ باری جانمی بهوده یره
فدا ایتمه مش اولیم دییه سؤال ایتدی. فیروز میرزا « اوت بو خصوصده متریح اول
دردست ایدیه مدی. حدودی اشدی. » دیدی و بر آرتردله « ژاله بوراده بکله جوابکی
شاهه عرض ایدیم در حال عودت ایدرم » دیه رک آیاغه قالدی، سرسم و بیهوش بر رفتارله
سلامغه کیتدی.

فیروز میرزا اوطه دن چیتار چیقماز ژاله قوشاغنک ایچندن کوچوک بر آلتون قوطو
چیقاردی؟ هان آچوب دروننده بولونان حیلردن ایکی دانه سنی آغزیننه آتدی. صوکره
کیتدی اورته ده کی ماصیه نک یاننده کی بیوک قولتوغه اوطوردی و بکله دی. بر برینی ولی
ایدن تأثرات کندیسنی چوق بورمشدی. باشنی قولتوغک آرقه سنه دایانه رق کوزلرینی قاپادی.
فیروز میرزا عودت ایدنجه هان ژاله یه قوشارق آرتق وظیفه رسمیهمدن تبحر دایتدم
تحقیقات اجرا سیله مکلف دکلم. شیمدی کل سنی باضریمه باصایم، قوللاریمک آراسنه کل،

سو کیم آرتق بربرمژك اولام ، او قدر بربرمژك اولام که جهانده هیچ بر قوت سنی
 بندن آیره ماسین حتی موت بیله سنی بندن آله مسین . ژاله م آرتق برابرز . مایوس اوله
 باشك بویله اوموزمده ایکن قوللرم سنی هر درلو درد و کدردن محافظه ایتدجه سکا کیم
 دوقونه بیلیر، سنی بندن کیم اله بیلیر ؟ دیدی . ژاله کوزل و مغرور باشی فیروز میرزانك
 اوموزندن قالدیره رق پك حلسر لطیف برادایله « جانم عجباً شو مسعود آنم فداکارلغمك
 مکافاتی دکلې ؟ » ديه صورتی . فیروز میرزا تأثرندن جواب ویرمه مکدر دکلدی .
 یالکز ژله بی اشتیاقله در آغوش ایتش مدید بوسه لرله متصل اوپیوردی . قولتوغك
 اوکنده دیز چوکش یواش بر سسله « ژاله م ، قونوشمه ، بر آز ساکت قاله م ، سنی
 قوللرمك آراسنده حس ایدیم ، سنك نه درجه ده بنم اولدیغکی حقیله تصور ایدیم ، فردائی ،
 دنیای زندانی هر شئی اونوته ایم ، اونوته ایم ، آه مست اوله رق اونوته ایم ، دییه یالواردی .
 فیروز میرزا هینی وضعیته بولنیوردی ، ژاله نك باشی اوموزنده و تکمیل وجودی
 قوللرینك آراسنده اولدینی ایچون ، اونك کیت کیده قوتدن دوشدیکنی و بگزینك
 یوسبتون صولدیغنی کورمیه رك ، خلیای غرامنی تعقیله مشغول اولیور : « آه ایکی کوزم
 سنسزیشامغه نصل قاتلانہ جقدم ؟ سن بنم حیاتمك وارلغمسك ! دییه اوموزینك اوزرنده کی
 سوکیلی باشی اوقشایوب اوپویوردی . صوکراینه بر چوجنی آوتور کی اوکا خطاب
 ایدیور . خزین بر سسله : « یاوروم بوتأثیرلر سنی نه قادار قیردی کچردی ، فقط بن
 آرتق یاننده ایم ، سنی نره یه نفی ایتسه لر ، نره یه کوندرسه لر ونه یایسه لر سندن آیریلمايه جفم ،
 حبسده بیله برابر اوله جغز ، صاقین قورقه یاوروم ژاله ؛ مایوس اوله ، عشقمزله ماضی بی
 اونوتمغه هیرت ایدرز . البته بوکونك خلجانی ، دهشتنی ذهنکدن سیلمکه موفق اولورم .
 سن یالکز اوزوله ایکی کوزم » دییوردی . اوصرده قپو بردنبره شدله آچلدی وشاه
 نظام الدین کمال عظمتله سالونه داخل اولدی . فیروز میرزا عموجه سنی کورونجه قوللری
 همان ژاله نك بلندن چکرك آياغه قالقدی . فقط قالفار قالقماز ، ژاله بویلی بونجه قولنوقدن
 یره دوشدی و اوراجقده خالینك اوستنده کی قیریق یلپازنك بیاض تویلرینك یاننه سربلدی .
 فیروز میرزا ژاله بی بویله یرده کورونجه اوله شاشیردی قالدی ، صوکرای بردنبره
 دهشتله اکیلدی . ویوزینه دقتله باقدی ، بیهیاض و مرمر قدر سرت اولدیغنی کورونجه
 همان وجودینك یاننه چوکرك نبضنی طوتدی و دفعاتله قلبی دیکله دی .
 فقط خلجانندن برشی آکلایه میوردی . شاهك موجودیتنی آرتق تمامیه اونوتمشدی .

کندیسی اوطهده ژاله ایله یالکز ظن ایدیور، اونکله فونوشیوردی. اوقشایهرق،
 اوپهرك حرارتله «ژاله، آمان ژاله، نه اولدك اه عشقنه برشی سویله، بنی اولدیریورسك،
 ژاله سسمی ایشیتیمیورمیسك؟ یاوروم پك می قورقدك؟ نه اولدك؟ یالکز اسمی تلفظ
 ایت آه ژاله» دییه فریاد ایدیوردی. فقط ژاله حالادوشدیکی برده، بی حرکت یاتیوردی.
 بونك اوزرینه فیروز میرزا ژاله نك باشی دیزلرینك اوزرینه آلدی. وصاچلرینی اوقشادی.
 صوكر اأ کیلهرك، قولاغنه «هموجه مه یالواریرم بزه برشی یامازلر، آنجق برسرایه حبس
 ایدرلر، الی الابد محكوم اولووز فقط یاوروم، جانم بكا باق، برتك کله سویله سسکی
 ایشیدیم» دییه استرحام ایتدیکی صرهدده برده ژاله نك مندیله بوکولی کوچوك بر کاغد
 پارچه سی کوردی. کاغدی همان آچدی. و اوقودی: «بنی عفو ایت فیروز، سنی ابدیاً
 براقغه مجبورم دایمك فرارینی تسهیل ایتدیكم ایچون محكوم اولاجم. هر ناصل اولسه سنسر
 یاشامغه قاتلانهمیه جغم. سنی سوهرك اوله جكم فیروز.» فیروز میرزا بوسوزلری اوقودقدن
 صوكر ا بر دیوانه کی ژاله نك اوستته قیاندی. و «آه نه وقت کنیدی زهرله دك» دییه
 حاقیردی و اوکا صاریلدی. دوچار اولدینی اضطرابك شدتندن دوکش کی ایدی.
 آغلایه میوردی. برمدت ژاله نك یوزینه ثابت و مجنونانه بر نظرله باقدی. مرمر کی بیاض
 و جامد آلتدن صوك دفعه اوله رق اوئی اوپدی و بلنده کی مجوه خنچری چكرك کندیسی
 امانسنر برضربه ایله اوردی.

شاه او آنده بررؤیادن اویاتیورایمش کی «امان فیروز صاقین ایتمه!» دییه فریاد ایدرك
 ولی عهد طوغری قوشدی ایسهده او، حیاته خاتمه چكمش و ژاله نك یانه دوشمشدی.

*
* *

نستین کتابی قیایوب آیاهه قالدینی زمان کونش طلوع ایدیور اورتالق آهسته
 آهسته نورلانیوردی. باغچهده کی قوشلرك جیویلتیسی، شاقیردیسی اوطه بی چینلانیوردی.
 فیروز میرزا ایله ژاله نك سرگذشت عشقی هیتهاه سلطانه جوق تأثیر ایتمشدی. حالا
 حکایه نك تحت تأثیرنده ایدی. «قیریق قنادلرده» مندمج الم، کندی حیانتك بر صفحه منه
 مشاهدی. نستین اوطه بی ترك ایدرکن هیتهاه سلطان اطلاس سدی زینك اوستنده هجرانه
 آغلا یوردی... اسکندریه، هابین سرابی: ۹۱۵